



SELSKAPET

ÅRSMELDING 2008 (for tidsrommet 12/6-2007 – 14/6-2008)

Styret i Olav Sletto-selskapet har dette året vore samansett slik: Styreleiar Arne Skogheim, nestleiar Turid Birgit Lien, styremedlemer Kåre Olav Solhjell, Kaare Wensaas og Per Lilleslett. Varamedlemer Evalill Sletto, Eli Sælid og Maria Sønndrål Wick.

Rekneskapan har som tidlegare år vore ført av Ola Ruud. Revisorar Osvald Medhus og Jan Robert Wick. Valnemnd har vore Knut Medhus (leiar) og Knut Øyvind Skaro.

Laget har pr. 1/5-2008 87 betalande medlemmer og 1 æresmedlem (Jul Haganæs). 15 medlemmer har ikkje betalt medlemspengane pr. 1/5. Medlemstalet skulle såleis helst vore 103.

Det er halde to styremøter i selskapet omfram årsmøtet. På årsmøtet 2007 presenterte Olav Randen forlaget BOKSMIA for medlemmene.

Av aktivitetane dette året kan nemnast:

- Arbeidet med katalogisering av Sletto-materialet i Hol bygdemarkiv held fram under leiging av Kåre Olav Solhjell.
- Selskapet har teke mot bokgåve frå Ulvik folkebibliotek, 15 Sletto-bøker som vart lagt ut for sal blant medlemmene. Bøkene vart alle selde i løpet av få dagar.
- Vi har hatt godt samarbeid med Alf Larsens litterære stiftelse og har utveksla arkivmateriale om brevvekslinga mellom Alf Larsen og Olav Sletto.
- Olav Sletto-selskapet vart presentert i medlemsbladet til Venelaget Olav H. Hauge. Venelaget vil ta på seg å arrangera litteraturseminar for i Ulvik i 2008.
- Styret vil i samarbeid med biblioteka i Valdres skipa til ein Sletto-kveld med presentasjon av lydboka når denne er ferdig til utgjeving. Biblioteka i Hallingdal skal få same utfordring.
- Selskapet har teke mot tilsagn om kr.15000,- i prosjektilskot til utgjeving av lydboka PER SJØL. Radio Hallingdal har stilt lyd materialet til gratis rådvelde, Olav Randen har laga omslaget og Hallingdal Lydverkstad v/ Tor Magne Hallibakken er i gang med redigering og produksjon. Målet var å få ferdig lydboka til årsmøtet, men i skrivande stund er det enno uklart om dette er mogeleg.

Hol sparebank har også i år gjeve økonomisk støtte til selskapet, denne gongen med kr.3500 pluss kostnaden med årsmøteannonsen.

Coop Vestviken har annonsert i årsheftet 2008. Heftet vart denne gongen på 56 sider og inneheld artiklar om Alf Larsen (av Ragnar Ytrehus), om Olav H. Hauge og Sletto (av Per Lilleslett), om brevvekslinga mellom Larsen og Sletto (av Arne Skogheim) forutan ein del arkivmateriale frå Olav Sletto sin 65-årsdag i 1951.

Hol, den 12.mai/14.juni 2008.

Arne Skogheim Turid Birgit Lien Kåre Olav Solhjell Kaare Wensaas Per Lilleslett